



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput X. Peccatum physice unum plures numero malitias moraliter  
complecti potest, ac plerumque complecitur.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

## C A P U T IX.

*Distinctio numerica peccatorum desumenda est vel ex morali interruptione volitionum, vel ex diversitate actionum, vel objectorum moraliter distinctionum.*

82 **E**X dictis numero 23. constat numericam peccatorum distinctionem scitu necessariam esse, tum pœnitentibus, tum Confessariis; eò quod oporteat numerum peccatorum mortalium confiteri. Ceterum unde numerum illum dignoscere valeamus, res est non parum intricata, ob varia Doctorum opinamenta. Et mirum, quod Author n. 24. laudatus, numericam peccatorum distinctionem, uti specificam, originaliter & ultimate non repetat ex communi sensu prudentum: cùm de utraque distinctione pariformiter videatur philosophandum. Qui tamen h̄c, prout ibi, recurreret ad communem sensum prudentum, seu virorum Doctorum, difficultatem non evaderet: cùm circa eam, quot capita, tot sententiæ. Nec in tanta sententiâ varietate probabilior occurrit regula, quam quæ continetur in assertione nostra. Pro cuius manifestatione nonnulla præmitemus, ex quibus perspicua erit probabilitas magna regula à nobis stabilitæ, propositaque difficultas lucem non modicam accipiet.

83 Primo itaque ostendemus (contta varios Recentiores) peccatum physicè unum numero, plerūque esse numero multiplex in esse moris, sive plures numero malitias in eo subinde reperiiri.

84 2°. malitias illas moraliter numero diversas, si mortales sint, haud minùs confidentias, quam malitias ejusdem physicè actus, specie moraliter diversas.

85 3°. ad multiplicandas numero malitias in peccatis, quæ vel externum respiciunt objectum, vel in exteriori actione consummantur, necessariam non esse moralem interruptionem actus interioris.

86 4°. eadem peccata, quæ vel objectum externum respiciunt, vel in actione exteriori consummantur, numero multiplicari, pro multiplicatione vel objectorum moraliter complectorum, vel actionum consummatarum, id est, quarum singula sint ex se totales, & in seipsis completa, seu definitum ex se terminum & consummatum habentes, non obstante unitate actus interioris.

87 5°. Hinc ostendemus multas numero malitias, pluraque numero peccata, ab eo committi, qui uno voluntatis actu plures homines occidit, tametsi uno eos istu occidat; plura etiam numero peccata committi ab eo, qui uno voluntatis actu, in eadem licet occasione, continuataque voluptate, eamdem, vel plures feminas sapientius cognoscit.

88 6°. Externæ tamen actiones, licet numero distinctæ, si non sint ex se totales, sed

ordinentur ad ulteriorem actum principalem, in quo consummantur (ut oscula, tactus, &c. ad copulam) non sunt plura numero peccata, quamdiu ad euindem illum actum, seu finem principalem ininterrupte sequentem, ordinantur, dummodò specialem, seu specie distinctionem malitiam non contineant.

7°. Eadem actiones, principalem actum 89 jam consummatum subsequentes, licet continent, absque relatione operantis ad novum actum principalem, ita sunt peccata moraliter distincta ab actu principali jam consummato, ut inter se videantur constituere unum moraliter peccatum, si fiant per actum voluntatis moraliter ininterruptum.

8°. Peccata, que consummantur in mente, 90 & non in exteriori actione, quæque externum non respiciunt objectum, numero multiplicantur pro sola morali interruptione actuum internorum.

Hæc probanda sunt in capitibus sequentibus, ex quibus ad invicem collatis, consecutaria est assertio nostra, seu regula per eam declarata. Peccata quippe omnia vel consummantur in mente, vel consummantur in externa actione. Si consummantur in mente, sine respectu ad objectum, non est unde numero multiplicentur, nisi penes moralem interruptionem volitionum, quæ fit ut quoties, post ejusmodi interruptionem, volitiones illæ resumuntur, peccata toties numero multiplicentur. Si vero consummentur in mente, cum respectu ad objectum externum, dupli ex capite numero multiplicantur, vel scilicet penes moralem interruptionem actuum internorum (ut proximè diximus) vel penes moralem multiplicationem objectorum externorum, juxta præmissum 4. Quod si non consummentur in mente, sed in exteriori actione, numero multiplicantur pro multiplicatione istarum actionum externarum, juxta idem præmissum 4. & tria sequentia. Vel etiam promoralı interruptione, ac deinde resumptione volitionum, quibus actiones illæ externæ imperantur. Neque enim dubium, cum qui duabus volitionibus moraliter interruptis, eamdem vult formulationem v. g. duo numero peccata committere. Igitur spechtatis omnibus, nullo alio ex capite peccata numero multiplicantur, nisi vel ex morali interruptione, ac deinde resumptione volitionum; vel ex morali diversitate objectorum, vel actuum externorum.

## C A P U T X.

*Peccatum physicè unum plures numero malitias moraliter complecti potest, ac plerūque complectitur.*

**H**æc est resoluti Doctoris nostri Baconi 91 in 2. dist. 39. q... a. 3. Scoti, Azorii, Malederi, Silvii, &c.

Et probatur 1°. quia unus idemque actus in esse physico, esse potest specie multiplex

Liber Decimus.

522

in esse moris. Sed non est cur minus esse queat numero multiplex, quam specie; immo est cur æquè esse poslit numero multiplex, quam specie. Sicut enim actus voluntatis, physicè unus & simplex, tendere potest in plura specie objecta, ut plura specie (etiam formaliter) in esse moris; sic & in plura numero, ut plura numero (etiam formaliter) in esse moris (cur enim istud minus quam illud?) Sed actus physicè unus tendens in plura numero objecta, ut plura formaliter in esse moris, est numero multiplex in esse moris, propter moraliter objectorum multiplicatatem; sicut actus physicè unus tendens in plura specie objecta, ut plura formaliter in esse moris, est specie multiplex in esse moris. Unumquodque enim objectum æquè aptum est refundere, ac per consequens æquè de facto refundit malitiam suam numericam, quam specificam, in actu quo respicitur: cum voluntatis actus æquè essentialiter respiciat objecta sua numero, quam specie distincta.

92 2°. Ad contrahendam numericam multiplicatatem peccatorum, pro numericā multiplicitate objectorum, ne quidem necesse est quod voluntas feratur in illa ut formaliter numero diversa, sed sufficit quod scienter feratur in illa ut talia materialiter: cum æquè moraliter numericetur penes objecta sua materialia, in quæ scienter & volenter fertur contra legem, quam moraliter specificetur penes eadem, juxta dicta n. 48.

93 3°. Sicut unus idemque physicè actus plerumque habet oppositionem cum pluribus specie distinctis virtutibus; sic plerumque habet oppositionem cum pluribus numero distinctis juribus, ut dum conjugatus cum conjugata adulteratur, vel dum uno quis iactu, unoque voluntatis actu plures occidunt. Sed non est cur actus, habens oppositionem cum pluribus numero distinctis juribus, minus habeat plures numero malitias, quam plures specie, dum opponitur pluribus specie distinctis virtutibus.

94 4°. Dum conjugatus uno voluntatis actu duas successivè feminas cognoscit, primò solitam, deinde conjugatam, secundum istud adulterium, conjugati cum conjugata, aliquam continet malitiam, quam non continet adulterium ejusdem cum solita (scilicet injustitiam in maritum conjugatae) sed non continet malitiam specie diversam (utraque enim in specie est adulterii) ergo diversam numero. Præterim cum negati nequeat, injustitiam istam, ac per consequens malitiam, esse moraliter diversam à malitia prioris adulterii: utpote in quo injustitia ista in maritum conjugata non continetur, sicut continetur in posteriori.

95 5°. Non obstante unitate physicè actus voluntatis, in dicto casu, tot sunt offendæ & malitiae, quot jura violata. Sed jura violata sunt numero (non specie) plura: ergo offendæ & malitiae numero plures. Minor est

perspicua; jus enim mariti innocentis v. g. in corpus adulteræ uxoris sue distinctum est à jure Cajæ innocentis in corpus adulteri mariti sui. Probatur major: quia jus (amplè sumptum pro jure five justitia, five charitatis, five pietatis, &c.) est ratio mensuraque offensa (omnis enim offensa, idem offensa est, quia per eam laceratur jus alicujus: si enim nullum jus laceretur, offensa nulla esset) nec proinde minus dat illi individuationem & numerum, si solo numero distinctum sit à jure alterius, quam speciem, si specie distinctum sit, &c.

6°. Qui uno voluntatis actu decem occidit homines, vel decem cognoscit feminas, communi sapientum estimatione, decem committit homicidia, decem fornicationes, &c. (sic enim Doctores communiter consenserunt, teste Leandro à SS. Sacramento, de pecc. disp. 5. §. 3. q. 20.) Sed decem homicidia, fornicationes, &c. sunt decem peccata. Ergo, &c.

7°. Possunt uno voluntatis actu approbari peccata omnia, solo numero diversa, commissa ab origine mundi, committendaque in finem; potestque voluntas omnia efficaciter velle, quantum in se est. Sed tunc absurdum foret dicere, quod non contraheret nisi unum numero malitiam, nec committeret nisi unum numero peccatum: quandoquidem approbando, volendoque efficaciter omnia, participes fieret omnium, juxta illud Rom. I. *Non solum qui faciunt, sed etiam qui consentiunt facientibus.*

8°. Ex opposita sententia conlectarium est, unum numero peccatum committi ab eo, qui uno voluntatis actu continuato, centum vel plures committeret fornicationes, vel occideret mille homines; sicut & à Rege, qui unam voluntate, unoque mandato per exercitum suum injustè occideret millionem familiarum, immo provincias & regna omnia orbis terrarum.

*Solvuntur objectiones.*

O Bjicies 1°. Duo numero accidentia, solo numero diversa, simul esse nequeant in uno subjecto: ergo nec duas numero malitiae in eodem actu.

Respondeo, transeat antecedens de accidentibus physicis, quæ in sententia Thomistarum (negante plura numero accidentia esse posse in eodem subjecto) individuantur in ordine ad subjectum. Nego de accidentibus moralibus, quæ non individuantur in ordine ad subjectum, sed in ordine ad rationem, & legem: qui ordo multiplex est, pro morali multiplicitate objectorum, vel actionum totalium, vel etiam jurium totalium, quæ lex illæ servari præcipit. Deinde quidquid sit de accidentibus positivis, plures privationes, seu specie seu numero distinctæ, simul sunt in eadem materia. Malitia vero formalis actus pecca-

## Pars I. De peccatis in genere.

523

peccaminosi in privatione consistit.

<sup>100</sup> Objicies 2°. Volitio occidendi decem homines, non magis continet decem numero malitias, quam volitio occidendi infinitos, contineat infinitas.

Respondeo quod si daretur volitio efficax occidendi infinitos homines, sicut datur volitio efficax occidendi decem, infinitas numero malitias contineret. Quantum ad volitionem inefficacem occidendi infinitos, continet infinitas malitias, non effectivè, sed affectivè inefficaciter; vel certè de numero malitiarum talis actus philosophandum, prout Adversarii philosophantur de aggravatione malitiae talis actus, quam agnoscunt crescere proportionaliter ad numerum objectorum.

<sup>101</sup> Objicies 3°. Volitio dandi eleemosynam decem pauperibus, non continet decem numero bonitatis: ergo volitio furandi eleemosynam à decem pauperibus, non continet decem numero malitias.

Respondeo 1°. negando antecedens, si multiplicatio numerica bonitatis objectorum se haberet ut objectum formale, sive ut ratio formalis volendi eam, & non ut objectum materiae dumtaxat. Quia non est cur bonitas actuum numero non multiplicetur pro multiplicatione objectorum formalium numero distinctorum, ut specie multiplicatur pro multiplicatione objectorum formalium specie distinctorum. 2°. Si multiplicatio numerica bonitatis objectorum solum se habeat ut objectum materiale, neganda est consequentia: est enim disparitas, quod ad contrahendas decem bonitates, necesse sit eas intendi per modum objectorum formalium; ubi ad contrahendas decem malitias, sufficit eas scienter intendi per modum objectorum materialium. Plus enim ad bonum requiritur, quam ad malum. Vide dicta n. 48.

<sup>102</sup> Objicies 4°. Unus moraliter actus aequi ferri potest in objecta moraliter plura, quam unus physicus actus in objecta physice plura.

Respondeo 1°. a physicis ad moralia trahendam non esse consequentiam: cum ipse met objiciens Caramuelum istud refellat: Oportet sicut de physicis physice, sic de moralibus moraliter philosophari.

<sup>103</sup> 2°. dato, non concessso, quod actus moraliter unus, moralitate positiva (cujusmodi est moralitas formalis actus boni) ferri possit in objecta moraliter plura, non sequitur idem dicendum de actu moraliter uno moralitate privatâ, cuiusmodi est moralitas formalis actus mali: utpote cuius malitiae formalis consistit in privatione debitæ restitudinis; quæ profectò numerificatur in actibus malis, pro numerica multiplicatione malitiae moralis objectorum, sicut specificatur pro specifica multiplicatione malitiae moralis eorumdem, juxta communem prudentum estimationem, à qua objiciens originaliter & ultimè petit specificationem.

<sup>104</sup> 3°. quidquid sit, an actus moraliter for-

maliter unus, ferri queat in objecta moraliter plura, saltem actum, qui fertur in objecta moraliter plura, esse moraliter virtualiter seu æquivalenter multiplicem; ac proinde in uno eodemque actu, in casu nostro, plures esse numero malitias, si non formaliter, saltem virtualiter & æquivalenter, pro quanto sic est malitia formaliter una, ut ita una sit virtute, & æquivalenter plures, in ordine ad confessionem de iis faciendam, ut facetur objiciens. Hoc autem est quod potissimum intendimus, sive interim alio sensu inveniri dicantur malitia numero plures formaliter, sive virtualiter tantum. Qui in re (ferè de nomine) necessitatem non videamus recedendi à communi sensu, modoque loquendi, de quo supra n. 63, nec proinde formalem malitiarum pluralitatem numericam negandi, pro numericâ objectorum pluralitate, magis quam specificam pro specifica. Cui quidem communii philosophandi modo ideo lubenter insistimus, quia sic apertius ostendimus obligationem confitendi numerum objectorum, etiam data sententiâ, quæ negat obligationem confitendarum circumstantiarum, intra eamdem speciem notabiliter aggravantium. Neque enim id tam perspicue ostendit objiciens: contra quem Adversarii prætendunt, multiplicacionem solum virtualem non spectare ad numerum, de quo in Tridentino, sed spectare dumtaxat ad circumstantiam notabiliter aggravan-tem.

### C A P U T XI.

*Malitia illa moraliter numero diversa, si morales sint, hanc minus confitenda sint, quam malitia specie diversa.*

**C**ardinalis de Lugo de pœnit. disp. 6. n. 105  
114. & Leander de SS. Sacramento ubi  
suprà q. 19. purant in ordine ad confessionem  
nos præscindere posse à controversia illa (specula-  
tivâ, ut vocant) de numericâ malitiarum  
multiplicatione in eodem actu; neque ex eo  
quod in peccato, sive in actu plures conti-  
nente malitias specie diversas, omnes explicari  
debeant, consequens esse, quod in peccato,  
sive actu plures continent malitias numero  
diversas, omnes explicandas sint. Rationem  
disparitatis esse aiunt, quod in priori  
casu, non explicata distinctè omni malitiâ spe-  
cificâ, non explicaretur distinctè tota species  
illius peccati; in posteriori vero casu, non ex-  
plicata distinctè omni malitiâ numericâ, ex-  
plicari equidem illud numero peccatum,  
quod factum est; distinctè quidem quoad dif-  
ferentiam suam specificam, confusè vero quoad  
differentiam numericam; quod sufficere putant  
ad satisfaciendum præcepto confessionis:  
cum nullum peccatum taceatur quoad suam  
speciem, & dicatur totus numerus peccato-  
rum, licet non totus numerus malitiarum; de  
quo explicando nihil exprimit Tridentinum.  
Quod si ab ipsis sciscriteris, quomodo con-

V V V